

## Član 75.

(1) Novčanom kaznom od 3.000,00 KM do 10.000,00 KM kaznit će se pravno lice:

- a) ako redaru ne daje tražene podatke, ne dostavi na uvid isprave potrebne za vršenje kontrole ili ne dostavi tražene podatke u ostavljenom roku (član 62.);
- b) ako ne izvrši mjere i radnje naložene od strane redara ili izvrši radnje koje je redar zabranio (član 62.);
- c) u ostavljenom roku ne obavijesti redara u vezi izvršenja naloženih mjera (član 62.).

(2) Za prekršaje iz stava (1) ovoga člana kaznit će se i odgovorno lice u pravnom licu novčanom kaznom od 1.000,00 KM do 5.000,00 KM.

(3) Za prekršaj iz stava (1) ovoga člana kaznit će se i fizičko lice novčanom kaznom od 500,00 KM do 3.000,00 KM.

## POGLAVLJE XIII. PRIJELAZNE I ZAVRŠNE ODREDBE

## Član 76.

(Rokovi za donošenje propisa jedinica lokalne samouprave)

(1) Jedinice lokalne samouprave su dužne, najkasnije u roku od jedne godine od dana stupanja na snagu ovoga Zakona, uskladiti svoje postojeće propise iz oblasti komunalne djelatnosti s odredbama ovoga Zakona.

(2) Jedinice lokalne samouprave će najkasnije u roku od jedne godine od dana stupanja na snagu ovoga Zakona donijeti propise čija je obaveza utvrđena ovim Zakonom.

(3) Jedinice lokalne samouprave će najkasnije u roku od jedne godine stupanja na snagu ovog Zakona uspostaviti registar iz stava 4, člana 25.

## Član 77.

(Prestanak važenja Zakona)

(1) Danom stupanja na snagu ovoga Zakona na području Kantona prestaje važiti Zakon o komunalnoj djelatnosti („Službene novine HNK“, broj 4/04).

(2) Provedbeni propisi doneseni na osnovu Zakona iz stava (1) ovoga člana primjenjivat će se ako nisu u suprotnosti s odredbama ovoga Zakona do donošenja provedbenih propisa na osnovu ovoga Zakona.

## Član 78.

(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

S K U P Š T I N A

Broj: 02-01-XVI-116/16

Mostar, 28.04.2016. godine

P R E D S J E D A V A J U Ć I

Šerif Špago,s.r.

## 218

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na sjednici održanoj 28.04.2016. godine, donijela

## Z A K O N

O IZMJENAMA I DOPUNAMA ZAKONA  
O RUDARSTVU HERCEGOVAČKO-  
NERETVANSKOG KANTONA

## Član 1.

U Zakonu o rudarstvu Hercegovačko-neretvanskog kantona („Službene novine HNK“, broj: 7/11 i 9/12) u članu 1. stav (2) riječi: „u vlasništvu je Kantona“ mijenjaju se riječima: „njime upravlja Kanton.“

## Član 2.

U članu 12. iza stava (4) dodaju se novi stavovi (5) i (6) koji glase:

„(5) Pravo korištenja mineralne sirovine nastale uslijed građevinskih i drugih radova, imaju fizička i pravna lica, koja na osnovu Pravilnika iz stava (4) ovog člana zaključuje Ugovor o prodaji mineralne sirovine s Ministarstvom.“

„(6) Pravo korištenja jalovine nastale uslijed građevinskih i drugih radova, a koja je upotrebljiva i ima svoju vrijednost, imaju fizička i pravna lica koja na osnovu Pravilnika iz stava (4) ovog člana zaključuje Ugovor o prodaji jalovine s Ministarstvom.“

## Član 3.

U članu 47. stav (11) briše se.

## Član 4.

U članu 92. iza stava (2) dodaje se stav (3) koji glasi:

„(3) Subjekt nadzora dužan je postupiti po rješenju inspektora kojim mu je naloženo izvršavanje upravnih mjera iz člana 94. ovog Zakona.“

## Član 5.

U članu 106. u stavu (1) riječi: „od 10.000,00 KM do 15.000,00 KM“ zamjenjuju se riječima: „od 15.000,00 KM do 25.000,00 KM.“

U članu 106. u stavu (1) tačka n) mijenja se i glasi: ako iskoristi mineralnu sirovinu odnosno jalovinu nastalu uslijed izvođenja građevinskih i drugih radova, a da prethodno nije zaključen Ugovor s Ministarstvom (član 12. stav (5) i (6)).

U članu 106. u stavu (2) riječi: „od 200,00 do 3.000,00 KM“ zamjenjuju se riječima: „od 2.000,00 KM do 5.000,00 KM.“

U članu 106. iza stava (3) dodaje se novi stav (4) koji glasi:

„(4) U svakom konkretnom slučaju Ministarstvo će iskazati namjeru o tome da li će se oduzeti predmeti iz stava (3) tačka a) uništiti, prodati ili predati ovlaštenom organu.“

Dosadašnji stav (4) i (5) postaju stav (5) i (6).

## Član 6.

U članu 107. u stavu (1) riječi: „od 5.000,00 KM do 10.000,00 KM“ zamjenjuju se riječima: „od 10.000,00 KM do 15.000,00 KM.“

U članu 107. u stavu (2) riječi: „od 500,00 KM do 2.000,00 KM“ zamjenjuju se riječima: „od 1.000,00 KM do 3.000,00 KM.“

## Član 7.

U članu 108. u stavu (1) riječi: „od 1.000,00 KM do 15.000,00 KM“ zamjenjuju se riječima: „od 10.000,00 KM do 15.000,00 KM.“

U članu 108. u stavu (2) riječi: „od 500,00 KM do 3.000,00 KM“ zamjenjuju se riječima: „od 1.000,00 KM do 3.000,00 KM.“

U članu 108. u stavu (3) riječi: „od 1.000,00 KM do 1.500,00 KM“ zamjenjuju se riječima: „od 2.000,00 KM do 5.000,00 KM.“

## Član 8.

U članu 109. u stavu (1) riječi: „od 1.000,00 KM do 5.000,00 KM“ zamjenjuju se riječima: „od 5.000,00 KM do 10.000,00 KM.“

U članu 109. u stavu (2) riječi: „od 500,00 KM do 3.000,00 KM“ zamjenjuju se riječima: „od 1.000,00 KM do 5.000,00 KM.“

## Član 9.

U članu 110. u stavu (1) riječi: „od 300,00 KM do 1.500,00 KM“ zamjenjuju se riječima: „od 3.000,00 KM do 10.000,00 KM.“

U članu 110. u stavu (1) tačka b) mijenja se i glasi: „ako ne dozvoli rudarskom inspektoru postupanje u

skladu s njegovim pravima ili ga ometa ili spriječava na bilo koji način u vršenju nadzora ili ako ne postupi po rješenju rudarskog inspektora (član 92.)“.

## Član 10.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON  
SKUPŠTINA

Broj: 02-01-XVI-106/16  
Mostar, 28.04.2016. godine

P R E D S J E D A V A J U Ć I  
Šerif Špago, s.r.

## 219

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 7/04 i 4/07), člana 31. stav 8. Zakona o poljoprivrednom zemljištu („Službene novine HNK“, broj 8/13), i člana 94. Poslovnika Skupštine Hercegovačko-neretvanskog kantona („Službene novine HNK“, broj 2/05), Skupština Hercegovačko-neretvanskog kantona, na sjednici održanoj dana 28.04.2016. godine, donijela je

**O D L U K U**  
**O DAVANJU SAGLASNOSTI NA PROSTORNI**  
**PLAN OPĆINE JABLANICA ZA PERIOD 2016.**  
**– 2025. GODINA**

## I

Daje se saglasnost na Prostorni plan općine Jablanica za period 2016. – 2025. godina, u skladu sa članom 31. stav 8. Zakona o poljoprivrednom zemljištu („Službene novine HNK broj 8/13).

## II

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.